

chen zugehen / seynd am sichersten / Aber die mit Müß vnd Ernst geschehen / seyn gefährlicher. Die am aller gefährlichsten / da lauter Frevell ist. Die allein von Hitz kömnen / seynd gleich / als wann einer truncken wer. Die von der Gallen entspringen / seynd ganz ernstlich oder zornig: So aber die Gall verbrennt vnd erkündt ist / vnd schwarz / das seynd grausame Tobungen vnd Wütungen. Hie werden die Vnderscheid sampt den causis eff. kurzlich vermeldet.

Der ander Wehetag ist veterinosisch oder Narcotisch / nach art seines kalten Giftes / ein klopfender schwerer Schmerz / das Haupt ist ^{Letharg^o.} schwer / empfinden sich / als lege ihnen Bley im Haupt / ^{Schlaf-} ^{sucht.} liegen vnderwilt / thun stets eins schnarchens mit offenen Augen / werffen sich hin vnd wider / begehren oft zu harnen / vergessen dann der Rachel. Item dieweil sie essen / entschlaffen sie / werffen dicken Schleim durch die Nasen oder mögen gar nit außwerffen / verwissen sich nicht / reden von seltsamen Dingen / erschrecken liederlich / vnd ist das Vergicht baldt an ihnen / schäumen vnd werffen vber / vnd ist ein gefährlicher elender Zufall.

Man muß in diesen 2. Kopff oder Hirn Kranckheiten / im Curiren ein grosser Vndercheid gehalten werden / vnd gilt Vffsehens / darvon ich dir kurzlich kleinen Bericht setzen wil. Vnd allhie seynd Hippoc. aphorismi zubedencken / In quo morbo somnus laborem præstat, malum est, Es ist ein böß Zeichen / wann der Schlaf in einer Kranckheit grossen Schmerzen macht. Vnd der ander entgegen: Vbi somnus delirium sedat, bonum, Es ist gut / wann der Schlaf die Vnsinnigkeit stillt. Item / Quibus cum oculorum conuersione vel contorsione sopor fit, pernicies præsens est, Die mit vmbgewendten Augen vnd glockenden schlaffen / da ist gewiß das Verderben.

Von dem hitzigen stechenden Kopffwehe.

So du nun grosse Hitz vnd Schuß / auch erkündung im Auge / sieht an einem befindest / vnd daß ihm der Schmerz durch die Augen außtringt / nimbt ihm die Vernunft / macht ihn gar doll / re. So befinster den Ort / da der Kranck ligt / vnd laß ihn an temperirter Luft liegen / das ist / das Gemach oder Kammer soll nicht heiß eingehit seyn /

Wie die
seshaupt-
wehe zu-
curiren.

Ⓞ

sonsten